

王雲五主編
歐陽祖經著

明譚襄敏公綸年譜

臺灣商務印書館發行

中華民國七十年一月初版

明譚襄敏公綸年譜

一冊

基本定價一元一角正

著作者 歐陽祖經

主編者 王雲五

發行人 朱建民

印刷所及

臺灣商務印書館股份有限公司

臺北市重慶南路一段三十七號
登記證：局版臺業字第〇八三六號

版權所有
翻印必究

至唐五代以前。漢語。經由唐人。就其可
讀之遺。而檢集而成。而宋以後。各撰之也。
其於今治一略。上元傳書禮。其完此書以後
自讀之也。是為年之十有餘所行之如傳。

式有之等門也、是向新上人等心及土地前甘
 餐料、合計已得二万餘以上。即境の十季前未
 竟之功、如方二三季、前一而經訪遺候所計五
 、是而証道三万餘左右；一而通釋新要及其所
 久寄内表此耳。即定仍留二万餘；一而遺謄詢
 覺索引、公島後主都之改索引、現在一二万爲
 之矣、其後第々該索引之完成、二万餘以終止
 書之、取實記證、世々傳習索引、俟將孤本之
 手讀先引多形、其謄寫少許乃爲手冊、始便於
 用。用印決定自本年四月起每月集數十紙、今

新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二十三種，連同中國史地叢書所收館內外專家新著如千種，合計不下二百餘種，得暇輒加研究。藉悉年譜之作，實始於宋，多數爲譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代爲編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝爲勝朝所撰，遇有不利於新朝之記載，無不刪汰，甚或曲筆爲之。幸而我國修史者多爲具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此爲宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是爲余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名爲財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因即決定自本年四月起每月景印十種，分輯發行，其版式不同者皆統一爲卅二開本。查古籍多爲二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。入人文庫本爲四十開，字體略小，研究年譜者多爲中年以上之士，因一律放大爲卅二開，則字體隨版式而加大；且集成全書可大小一致，間有佳作爲同業出版而必須納入集成者，則當洽讓版權，想同業樂觀厥成，當不難達成協議也。是爲序。

中華民國六十七年三月十五日王雲五

序

年譜依編年順序記載一人生平之事蹟，宋以後名人往往有之，大抵爲譜主自訂，或爲門生故舊所撰，亦有後人於古代名人就其著述，考其事蹟，爲之編訂者。年譜所述言行事實，大都詳確，可補史書之厥失，此其可貴處。

商務印書館從事編輯歷代名人年譜，始於上海，主其事者爲本館王故董事長雲五先生。遷台後，及雲老復主持本館，以前在大陸所藏圖籍散佚，重新蒐集，歷年所得舊刊新著，已達二百餘種，定名新編中國名人年譜集成，自民國六十七年四月起分輯發行，每輯十冊，迄六十八年雲老逝世之時，已刊行六輯。七輯以後自本年起照原定計畫陸續刊行。今雲老雖已謝世，不克親睹全部計畫之完成，然各輯目錄早經其生前決定，爲誌其四十餘年來與年譜集成之編輯工作相始終，仍標明雲老主編。

臺灣商務印書館編審委員會

民國六十九年四月二日

序

宜黃與南城在漢爲一縣，三國吳始析置。予遠祖西壁公避元亂居宜黃，西壁公之兄東壁公居崇仁，子孫皆蕃衍，居崇仁者曰歐坊，居宜黃者曰陽坊。九世祖時開公徙居南城，故予原籍宜黃，平生師友亦多宜黃人。嘗聞宜黃譚襄敏公。生明正德十五年，歿萬曆五年，時東倭北虜，爲患孔棘，而公蕩滌瑕穢，始終兵事垂三十年，名位尙在威南塘上，世稱譚威。南塘有紀效新書，練兵實紀，止止堂集，後人復編戚少保年譜，聲名至今顯赫，而襄敏有功於世，爲世所忘，無以表揚鄉邦文獻，將「高山仰止景行行止」之謂何？此則茲譜之所由輯也。客曰：「贛賢多矣，獨襄敏之譜何也？」曰：「武功文德兼之者寡，江右一人，惟譚司馬。愔功所奏，靖鄉捍邊，衡以今義，吾無間然。不襄敏之譜而誰譜焉？」客曰：「用兵戰守，古今異宜。古之利器，今無所施；今之利器，古無所知。古人往矣，奚以譜爲？」曰：「譚公治兵，志在衛國，簡練師徒，嚴以紀律。敵臺三千，戰車七百，在守則固，以攻則克。使公生今日，功業所就，又烏能測？且歷史之所貴者教訓也。前事不忘，後事之師。明太祖列不庭之國，已慮遠而燭幾，至碧蹄館一役，

乃愈兵連禍結，潰決而莫支。功如襄敏，後之人奈何弗思？客曰：「子言善矣！顧良譜不易，舊譜既病簡略，復將何以譜之？」曰：「惟忠與勇，克固吾圉。公奏議十卷，遺文彙集三卷，稽諸明史，參諸地方志，乘以及俞戚諸家之書，補苴舊文，大端舉矣。自愧不學，未能仰贊公於十一，秉燭餘明，孜孜汲汲，固將以盡匹夫之責。」客退，遂書以弁諸首。時中華民國二十五年十月十日也。南城歐陽祖經序於南昌百花洲圖書館。

譚襄敏公年譜

明武宗正德十五年庚辰（公元一五二〇）公生，一歲。

公生於是年七月二十一日午時。據宜黃譚氏家乘。

明史本傳：譚綸，字子理，宜黃人。

張位撰譚襄敏公傳：公姓譚，諱綸，字子理，號二華，撫州宜黃人。

張位，新臨人。明隆慶進士，官至吏部尚書。

清同治修宜黃縣志云：譚綸，字子理，一字二華，譚坊人。又云：字以詔，刺桑人。宜黃縣，清屬江西省撫州府，民國元年十月，裁府留縣。清嘉慶一統志云：漢南城縣地；後漢臨汝縣地；三國吳太平二年，分置宜黃縣，屬臨川郡；晉及宋齊因之；隋省入崇仁；唐武德五年復置宜黃縣，屬撫州；南唐立宜黃場，宋開寶三年升爲縣，仍屬撫州；元屬撫州路；明屬撫州府。

宜黃居臨汝上游，宜水發源軍山，黃水源出黃土嶺，二水合而名縣也。全縣疆域：東西廣八十里，南北袤一百七十里。

東至交陽嶺六十里

南城界

南至杉樹坳一百二十里

廣昌界

西至廖莊港六十里

樂安界

北至搗港五十里

臨川界

東南至箬嶺九十里

南城界

東北至禾嶺五十里

臨川界

西南至隘山一百二十里

寧都界

西北至孤嶺二十里

崇仁界

宜黃縣城，至南昌三百六十里。縣城外分三鄉：南曰崇賢鄉，東曰仙桂鄉，北曰待賢鄉。縣志卷四云：「待賢鄉在城北，宜黃漳曹諸水合流城曲，經獅石而下，清波演迤，隨山屈折，或激而灘，或匯而淵，春水盛時，舟行一日可百里，長橋遠岸，豁若天開，譚坊其最著者。」公遺集中有與俞邑侯書，自稱爲待鄉人。

祖廷用，以公貴，屢贈至兵部尚書。見縣志選舉門。

父鎬，字宗周，號東吾，以選貢分教歸安，陞淮府（順昌王府）教授。以公貴，封兵部主事，再贈侍郎兼都御史，後贈兵部尚書。公前母黃夫人，繼母羅夫人。公之兄經，前母所生也。

正德十六年辛巳（一五二一），公二歲。

是年春三月十四日，武宗崩於豹房。皇太后以遺詔，遣官迎興世子厚熜入嗣皇帝位。

世宗嘉靖元年壬午（一五二二），公三歲。

春，甘肅軍亂，殺巡撫都御史許銘。

嘉靖二年癸未（一五二三），公四歲。

二月，提督軍務右都御史俞諫討河南山東賊平之。

閏四月，始修醮於宮中，詞臣多以青詞干進。

嘉靖三年甲申（一五二四），公五歲。

大禮議起，桂萼請改稱孝宗曰皇伯考，羣臣並排萼議。萼等驟貴用事，而羣臣或戍或杖，由是衣冠

喪氣。

是年七月，土魯番圍肅州；八月，大同軍亂，殺巡撫都御史張文錦。

冬十二月，起楊一清爲兵部尙書，總制三邊。一清，字應寧，安寧人。成化八年進士。凡三爲總制，曉暢邊事。

嘉靖四年乙酉（一五二五），公六歲。

是年五月三日，張居正生。居正字叔大，號太岳，湖北江陵人。

八月，田州指揮岑猛叛，詔都御史姚鏌討誅之。鏌，字英之，慈谿人。

嘉靖五年丙戌（一五二六），公七歲。

二月，定有司久任法。五月，楊一清以吏部尙書復入閣。

嘉靖六年丁亥（一五二七），公八歲。

是年公就塾。公所作貢士任朴藩檢校鄒古潭先生傳云：「生子元明，穎慧絕倫，丁亥，延家大人於塾，予就業焉。」知公一生學業事功，得力於庭訓者深矣！

春二月，小王子寇宣府。

夏五月，總制兩廣軍務王守仁降附田州蠻。

嘉靖七年戊子（一五二八）公九歲。

是年二月，起王瓊爲兵部尙書，總制三邊。

秋七月，王守仁平斷藤峽獠。

閏十月朔，戚繼光生於濟寧南六十里之魯橋。見戚少保年譜。

十一月，土魯番寇肅州。王瓊請令入貢，詔許之，遂棄哈密。

嘉靖八年己丑（一五二九）公十歲。

春正月，兵部尙書兼左都御史新建伯王守仁卒。

嘉靖九年庚寅（一五三〇）公十一歲。

夏四月，楊一清卒。

冬十一月，更定孔廟祀典，尊孔子曰至聖先師。